


續唐縣志略



續唐縣志略序

志無取乎略也然唐邑之志久矣其昉於何人莫可考也
就舊志而考之則前明嘉靖十四年之孫公廷臣其託始
焉者也繼此而修者為萬曆三十五年丁未之楊公一桂
凡八閱朞而始成最詳核矣而黃公巍則蕭規曹隨於戊
申歲參訂以刻也閱六十年至

國朝康熙十一年壬子歲王公政蒐羅於鼎革滄桑之後拾
殘補缺亦艱矣哉以垂至今日也又閱六十二年矣恪於
雍正七年己酉仲冬涖唐視政之始求前邑令之名已茫

軼事乎訪於儒學縉君

西其年輯學校一編頗完備而案牘匆煩未暇濡毫也因
至今已六閱寒暑間於公務往來白石口出倒馬關踰

頓登危岩入古寺搜剔碑碣偶有所得輒抄錄入囊
始稍屬稿以類分秩矣又從崔孝廉均訪求邑乘得劉
集陳氏葛山志廣資博採以續成此志核以徵信
專疑不敢不慎也凡載在前志者察不重贅名曰續
各者從乎其不得不略也且以俟後之能詳之者也

二十一年歲次甲寅孟冬吉日知唐縣事襄東王恪



澤志略姓氏

出身文林郎知唐縣事婁東愚于王 恪

儒學教諭天津希魏繆 徵

訓導蓋平詞林燕文麗

奉天府教授邑進士吟白陳 詩

候選教諭邑舉人子美劉文彥

候選教諭邑舉人平九崔 均

續唐縣志略目錄

學校

建修

紀事

秩祀

壇廟祠閣

建置

公宇 倉儲

田賦

地糧 起運 存留 附驛遞

續唐縣志略

目錄

水利

唐河 營田

職官

知縣 典史 巡檢 教諭 訓導

科目

進士 舉人 仕宦 貢生 武舉

人物

士夫 婦女

藝文

勅贊

碑銘

詩賦

考辨

屬對

雜志

仙釋

續唐縣志略

目錄

續唐縣學校志略

建修

聖廟自順治三年重修後康熙二十六年知縣祝鍾俊重修

啟聖廟康熙四十六年知縣林菁教諭胡文元重修

禮門義路兩翼門雍正六年教諭繆徵捐建

敬一亭雍正九年知縣王恪重修

文昌祠康熙三十三年教諭江景瑞重修神乘雖舊在祠內教諭吳翰移出建宇西側

續唐縣志略

學校

鄉賢祠雍正十年知縣王恪重修

忠義祠在文昌祠東北雍正八年知縣王恪奉

旨發帑金建祠三間門一間碑一座刊姓氏於上設位於祠者十一人

節孝祠在縣署東雍正八年知縣王恪奉

旨發帑金建祠三間門一間牌坊一座書姓氏於上設位於祠者八人

明倫堂雍正六年知縣楊琦教諭繆徵重修

教諭宅舊廢康熙年間教諭劉國樞建

舊義學在城一所在縣治東康熙三年知縣嚴欽謨建議講堂三間左右學舍二間學門一間雍正九年右學舍將圯知縣王恪重修十一年左學舍全圯知縣王恪重建東鄉高昌村一所雍正九年知縣王恪重修城內義學田二十四畝八分知縣嚴欽謨捐置載學內碑陰又康熙三十五年知縣韓貞將民間自首地八十四畝共租銀八兩四錢送入義學社師收取印冊存本師處

新義學康熙五十四年

聖祖幸木淀

續唐縣志略

學校

論直隸巡撫趙弘燮令直屬窮鄉僻野皆立義學知縣蘇名勲於舊義學二所外增設叔呂放水連顧安樂建羊窰水北羅大洋羅莊馬莊唐涓張合軍城倒馬關等十四處以河淤地二頃八十餘畝每畝收糧二斗詳請作新義學塾師修脯雍正二年知縣李士楷因兩學清苦議令各塾師撥出地六十四畝歸儒學執事

紀事

康熙十一年選拔貢士

康熙十六年加鄉試科

康熙十七年舉博學鴻儒

康熙十九年復設教諭

康熙二十三年頒

宸翰匾額萬世師表四字有

御寶

康熙二十五年選拔貢士

康熙二十六年 先臺臣奏疏令直省州縣修理樂器

募樂舞生

康熙二十九年頒孝經衍義

續唐縣志

學校

康熙三十七年選拔貢士

康熙四十一年頒訓飭士子文令勒石學宮

康熙五十二年

聖祖萬壽加鄉會科升朱子入哲頒朱子全書

康熙五十四年令立義學

康熙五十五年廣額文生加三名衛學裁革歸併州縣

每考取衛學一名定為例

雍正元年

追封孔子五代為王爵封木金父公為肇聖王祈父公為

裕聖王防叔公爲貽聖王伯夏公爲昌聖王叔梁公爲
啟聖王更啟聖祠爲崇聖祠

雍正三年頒

御書匾額生民未有四字有寶頒

欽定文廟各壇祭器圖

雍正七年奉

旨直省各州縣設立鄉約揀選約正值月邑鄉約所舊在縣
聖壽寺今改從集場一日在南關外之三官廟六日在
東關外之海神廟近城知縣親講遠鄉備學請衙巡檢

續修縣志略 學校

分講在城及四路約所選設約正一人值月四人



社稷風雲雷雨山川城隍諸神壇

雍正十年

上諭直隸各府州縣設立壇壝致祭

社稷及風雲雷雨山川城隍之神查照定例敬謹如式修
理入交盤項內接受禮部准山西巡撫覺羅石谷并查
明會典社稷壇東西二丈五尺南北二丈五尺高三尺
俱用營造尺四圍用磚石砌齊壇面用方磚鋪平四出
陛各二級緣以圍牆四門紅油自北門入其石主長二

尺五寸方一尺埋於壇南正中去壇一尺五寸只露圓
尖餘埋土中外有神牌二以木為之朱漆青字填寫神
號臨祭設於壇上祭畢藏之其風雲雷雨山川城隍之
神共一壇設二神位陳設行禮與

社稷壇同其神牌照 先農神照式樣製造擇近廟宇潔
淨處所收貯其石主之埋於壇者只露圓尖以表著其
地不齋神號不建房屋各樹其土之所宜木植務遵
唐邑

社稷壇舊在縣之西本有古柏八株鬱然在望風雲雷雨

山川壇在縣之南舊無樹知縣王恪奉文如式修理
社稷壇卽圍墻於樹外風雲雷雨山川壇於圍墻之內栽
小柏四株墻外栽四株又栽白楊八株於南分兩行以
爲甬道之蔭云

先農壇

雍正二年奉

旨直省州縣三年一舉老農

恩賜八品頂帶四年

上諭令地方守土之官俱行耕藉之禮五年禮部議擇東

續唐縣志略

秩祀

郊潔淨官地四畝九分立爲藉田內立

六

先農壇高二尺一寸寬二丈五尺神牌高三尺四寸寬六
寸座高五寸寬九寸五分紅牌金字填寫先農之神壇
後酌建正房三間配房二間中奉神牌東貯祭器西收
米穀配房東辦祭品西農民居住壇外築土爲墻門開
南向祭品照社稷壇例前期齋二日祭日各官俱換蟒
袍服州縣則印官乘耒佐貳執青箱播種耆老農夫扶
犁耕畢望

闕謝恩農具赤牛黑箱青每年用過歲盛養部六年三月

知縣楊琦用官地為藉田東南郊外建

先農壇宇懸匾額對聯悉如制

廟祠

先師廟歲二月八月上丁釋奠

先師前三日演樂先期省牲至日知縣行正獻禮教官行

分獻禮祝詞奠獻悉準儀制

崇聖殿上丁日子夜先祭

文昌魁星祭畢分祭

名宦祠附祀於廟祭畢分祭

續唐縣志略

秩祀

國朝知縣鄭

昱

巡撫于成龍

沈朝聘

守道邵嗣堯

總督趙弘燮

鄉賢祠附祀於廟祭畢分祭

國朝內閣掌典籍事陳

瑞

忠孝祠附祀於廟祭畢分祭

全義士郭興孫

左松壽

明孝子顧仲禮

忠臣寇深

孝子寇林

忠臣李緯

劉秉仁

義士劉慧龍

忠臣劉名言

孝子楊端

國朝忠臣崔士俊

節孝祠祭畢分祭

明節婦薛

璠妻寇氏

生員士

聰妻杜氏

生員趙之璧妻神氏

符汝道妻王氏

國朝節婦胡來臣妻張氏 趙嘉謨妻馬氏 節烈婦生員程 格妻王氏 生員劉 蕙妻李氏

文廟祭器 爵 登 罇 鉶 簠 簋 籩 豆

帛篚 牲俎

祭舊無太牢雍正三年頒祭器圖始添牛餅羊豕悉照 頒行儀注

樂器 麾 編鐘 石磬 鼓 祝 敔 搏拊 琴

瑟 簫 笙 笛 篪 節 羽 簫

舊無樂器康熙三十六年教諭江景瑞捐置樂器并拓 募樂舞延師教習丁祭可觀

續唐縣志略 秩祀

關帝廟在教場內每年春秋部頒祭日并五月十三日 知縣致祭雍正三年

欽定 關帝三代俱為公爵曾祖曰光昭公祖曰昌裕公父

曰成忠公置主於 東師白馬 關帝廟後殿供奉並

通行直隸各省府州縣擇一 關帝廟之大者置主後

殿春秋二祭五年宣化總兵官李奏准地方凡有裝塑

關帝神像移請正坐不許再塑侍立側坐之像

續唐縣建置志略

公宇

縣堂五楹雍正十年前廊圯知縣王恪重修

兩翼書吏房各七間雍正十一年東翼全圯知縣王恪
建修

八蜡廟雍正八年圯知縣王恪重修

楊公祠在察院基東舊廢雍正十二年知縣王恪重修
倉儲

唐邑各鄉社倉久廢舊存官倉三座坐落城內聖壽

續唐縣志略

建置

後南向五間東西側倉各三間雍正七年知縣朱常
增建五間又馬號倉一座在縣堂之東南雍正十一年
冬十二年秋知縣王恪又於縣堂之東添建倉廩一座
共十大間通貯常平均貯捐納及通倉截漕等項倉粟

計一萬

續唐縣田賦志略

地糧

唐邑原額二十二社民地一千八百二十二頃五十九畝五分九釐五毫六絲一忽一微又雍正十年首報大糧民地九頃零五畝四分一釐五毫卽於本年起科共地一千八百三十一頃六十五畝一釐六絲一忽一微每畝徵銀七分八釐八毫四絲二忽八微四纖八沙七塵八埃雍正元年奉文照浙江例丁銀歸併地畝遵旨以雍正二年爲始攤入糧銀內徵收每兩攤銀二錢零七

續唐縣志略

田賦

十

釐二絲六忽八微一纖九沙二塵八埃二渺七漠三湖康熙十九年奉文退回豐潤縣魏鑄地四十頃二十畝康熙三十一年奉部員回撥補豐潤縣陳廷光地三十頃共地七十頃二十畝照大糧民地科則徵收

康熙二十七年奉裁騰驤右衛歸併下地二十七頃九十二畝五分每畝徵銀一分四釐一毫九絲二忽又徵本色黑豆一十二石二斗三升三合九勺四抄二撮五圭

開墾自首地一十三頃四十三畝三分又康熙二十三年

年開荒二十九年
起科地二頃一畝
共地一十五頃四
十四畝三分每畝
徵銀一分二釐

河淤自首開墾地
一十六頃三十三
畝五釐六毫又雍
正八年報墾至雍
正十一年起科地
一頃一十三畝七
分共地一十七頃
四十六畝七分五
釐六毫每畝徵銀
三分二釐

康熙二十八年保
定左衛奉裁歸併
屯地七畝每畝徵
銀七分六釐八毫
六絲八忽九微九
沙九塵

完縣退回籽粒歸
併大糧地三十三
頃四十三畝五釐

續唐縣志略

田賦

十一

九毫每畝徵銀三
分二釐九毫六絲

受補隆平縣撥補
神武衛上地一頃
九十七畝二分六

釐八毫一絲八忽
每畝徵銀二分六
釐六毫九絲下地

五頃八十九畝八
分七釐六毫八絲
二忽每畝徵銀一

分三釐三毫五絲

巴明退回歸入大
糧旂地三十畝每
畝徵銀一錢五分

七釐六毫八絲五
忽七微例不攤丁
匠

張官鼎退回歸入
大糧旂地三頃六
十五畝每畝徵銀

七分八釐八毫例
不攤丁匠

以上其地二千零七頃七分七釐六絲一忽一微共
徵銀一萬五千二百六十二兩八錢三分七釐四毫
五絲三忽八微九塵六埃四渺三漠五湖六虛攤丁
匠銀三千一百五十二兩八錢八分五釐一毫八絲
二忽七微二纖六沙二塵五埃七渺八漠二湖八澄
三淨遇閏加銀四百九十四兩五錢六分四釐七毫
六絲八微八纖二沙二塵二埃六渺三漠四湖又加
丁閏銀一百二十兩二錢四分三釐二毫五絲九忽
四微四纖五沙三塵三渺四漠九虛九澄九清一淨

除隆平代徵連攤丁代解地糧銀一十五兩八錢六
分二毫六絲五忽九纖四沙八塵二漠七湖八虛八
澄七淨外實共徵地丁銀一萬八千三百九十九兩
八錢六分二釐三毫七絲一忽四微三纖二沙四塵
二埃一渺八漠九湖七虛九澄九清六淨

額外撥補完縣地二十九頃一十六畝零九釐四毫
於康熙四十二年十二月完縣士民劉丕顯等因糧
重地瘠情愿出具退狀經完縣知縣馮文祥加結并
備印冊退回唐縣士民分收納糧每畝徵銀五分四

釐六毫三忽三纖六沙一塵三埃共徵銀一百六十二兩一錢四分三釐零外加攤丁匠銀三十三兩五錢六分八釐零共徵代解銀一百九十五兩七錢一分一釐七毫三絲零遇閏每畝加銀二釐六毫一絲加丁閏銀三毫七絲五忽九微六纖

起運

起運銀一萬四千六百八十六兩五錢八分九釐八毫六絲一忽四微三纖一沙六塵一埃一渺八漠九湖六虛九澄九清六淨又於雍正十一年奉文將解府工料

內扣出節省十分之一歸入起運銀九十三兩六錢二分六釐五毫三絲二忽九微一纖二沙又本縣軍城驛工食工料內扣出節一銀歸入起運九十四兩五錢一分一釐三毫三絲八忽八纖八沙又本縣遞馬工料內扣出節一銀歸入起運一十二兩四錢三分一釐八絲共起運銀一萬四千八百八十七兩一錢五分八釐八毫一絲二忽四微三纖二沙四塵二埃一渺八漠九湖七虛九澄九清六淨

存留

存留解支銀三千五百一十二兩七錢零三釐五毫五絲九忽

本府九折工料銀 八百四十二兩六錢三分八釐七毫九絲六忽二微八沙
本府馬快工食銀 八十兩

軍城驛裁存額設九折工食工料銀 八百五十一兩六錢零二釐四絲
二忽七微
九織二沙

遞馬裁存額設九折工食工料銀 一百一十一兩八錢七分九釐七毫
二
絲

文廟崇聖名宦鄉賢春秋二大祭銀 四十兩
續唐縣志略 田賦

社稷山川風雲雷雨等神春秋二大祭銀 三十兩

關帝廟祭祀銀 四十兩
三小祭銀 十兩

龍亭修理銀 五錢

文廟修理銀 十兩

朔望香燭銀 一兩

曆日銀 三兩

知縣俸銀 四十兩
門子二名銀 十二兩

皂隸十三名銀 七十兩
馬快八名銀 一百三十兩

民壯五十名銀 三百兩
察院門子二名銀 十二兩

轎傘夫七名銀四十兩庫子四名銀二十兩

斗級四名銀二十兩禁卒八名銀四十兩

舖司兵十六名銀九十兩件作三名銀十八兩

火夫十名銀四十兩更夫五名銀二十兩

吹手四名銀二十兩農夫二名銀十二兩

孤貧五十三名銀一百五十二兩六錢四分冬布衣花銀十三兩二錢五分

典史俸銀三十一兩五錢二分門子一名銀六兩

皂隸四名銀二十兩馬夫一名銀六兩

巡檢俸銀三十一兩五錢二分皂隸二名銀十二兩

弓兵四名銀二十兩

儒學俸銀三十一兩五錢二分膳夫二名銀十三兩三錢三分三釐

廩生二十名銀六十兩門斗三名銀十四兩四錢

齋夫六名銀三十兩六兩

文舉進牌坊銀六十兩貢生花紅廩銀三兩五錢

武舉進花紅旗匾銀二十兩文舉會試盤費銀五兩

鄉飲酒禮銀十兩

恩賜

康熙十八年旱民饑蠲賑

二十九年減糶濟民

三十三年大饑奉

恩詔盡行蠲免

三十六年奉

恩詔發積穀賑濟

五十年大旱北五府盡數蠲免

五十二年

恩詔蠲免

五十五年大旱通省照額盡行蠲免

續唐縣志略

田賦

雍正七年奉

旨通省

恩蠲銀四十萬兩每兩蠲免銀一錢七分一釐二

毫四絲四忽九微三纖九沙九塵零共蠲免銀三千二

百四十三兩三錢九分六釐五毫九絲五忽八微七纖

二沙五塵零

八年奉

旨通省

恩蠲銀四十萬兩每兩蠲免銀一錢六分六釐八

毫五絲一微七纖一沙七塵零共蠲免銀三千零五十

七兩五錢六分一釐七毫二絲九忽四纖一沙七塵零

自雍正八年爲始蠲正不蠲耗

九年奉

旨通省 恩蠲銀四十萬兩每兩蠲免銀一錢六分六釐六毫七絲六忽一微四纖一沙九塵零共蠲免銀三千零五十三兩二錢二分八釐一毫四絲三忽八纖五沙五塵零蠲正不蠲耗



唐縣志略

田賦

七

續唐縣驛遞志略

軍城驛人移在縣治常留一夫一馬於軍城地方伺俟
其移回年月已無可攷雍正十二年直督臣李 議裁
併易州等處

驛馬裁存額設夫馬工食工料等九折銀八百五十兩
六錢零二釐四絲二忽七微九纖二沙

驛馬二十匹每匹日支草料銀四分零五毫歲支草料
銀二百九十一兩六錢

馬夫十名每名日支工食銀五分四釐歲支工食銀一

續唐縣志略

驛遞

六

百九十四兩四錢

獸醫一名日支工食銀一分六釐六毫六絲歲支工食
銀六兩

驛書一名日支工食銀五分四釐歲支工食銀一十九
兩四錢四分

馬牌子一名日支工食銀五分四釐歲支工食銀一十
九兩四錢四分

執事夫三名每名日支工食銀一分五釐歲支工食銀
一十六兩二錢



看司看倉夫三名每名日支工食銀一分五釐歲支工食銀一十六兩二錢

回馬夫三名每名日支工食銀五分四釐歲支工食銀五十八兩三錢二分

損轎夫二十五名雍正三年奉文留二養八現存二十名每名日支工食銀二分五釐二毫四絲五忽歲支工食銀一百八十一兩七錢六分四釐

扣留二損轎夫五名每名扣日支銀二分五釐二毫四絲五忽歲共扣支銀四十五兩四錢四分一釐

續唐縣志略

驛遞

九

雜支銀一兩七錢九分七釐零四絲二忽七微九纖七分九釐七毫二絲

遞馬八匹每匹日支草料銀三分零五毫一絲三忽七微九纖一沙六塵二埃歲支草料銀八十七兩八錢七分九釐七毫二絲

馬夫四名每名日支工食銀一分六釐六毫六絲歲支工食銀二十四兩

以上各項支給遇月小建按扣彙解

續唐縣水利志略

唐河考

王恪

水經云滹水出代郡靈邱縣高氏山南過廣昌縣南又東南過中山上曲陽縣北恒水從西來注之又東過唐縣南又東逕安喜縣南又東過安國縣北又東過博陵縣南又東北入於易水酈註云滹水卽嘔夷之水也出縣西北高氏山山海經曰高氏之山滹水出焉東流注於河者也其水東南流山上有石銘題云冀州北界故世謂之石銘陁也其水又南逕侯塘侯塘川名也又東

續唐縣志略

水利

三

合溫泉水泉出西北暄谷其水溫熱若湯能愈百疾故世謂之溫泉焉東流注於滹水滹水東逕嘉牙川川有一水南來注之出恒山北麓雖川三合逕嘉牙亭東南北流注於滹水之北山行卽廣昌縣界滹水又東逕倒馬關關山險隘是爲深峭勢均詩人高显之病良馬傳嶮之困行軒故關受其名焉關水出西南長溪下東北歷關注滹滹水自倒馬關南流與大嶺水合水出西南大嶺下東北流出峽注於滹滹水又出而東合兩嶺溪水水出恒山北阜東北歷兩嶺間北嶺巖層峻雲氣常

不若南巒峭秀其水東北流注於澗澗水又東左合懸水
水出山原岫盤谷輕瀉澗下分二飛懸水一匹有餘直
灌山際其水東南流揚澗注於澗澗水又東流歷山世
謂是處爲鴻頭疑卽晉書地道記所謂鴻上關者也澗
水於是左納鴻上水水出西北近溪東南流注於澗水
也澗水又東逕左人城南應邵曰中人城西北四十里
亦或謂之爲唐水也水出中山城之西北城內有小山
在城西側水銳上若委粟焉疑卽地道記所云望都縣
有委粟關也俗以山在邑中故亦謂之中山城以城中

有山之目因復謂之廣唐城也中山記所言中人城者
東去望都故城一十餘里二十里則城今此城於盧奴
城北如西六十里城之西北泉源所導西逕狼山北郎
唐音讀近實兼唐水之稱西流歷左人亭注澗水又東
左會一水水出中山城北郎中阜下亦或謂之唐水也
然於城外西北又名之謂冠水又兼二名焉澗水又東
恒水從西來注之自下澗水兼納恒川之通稱焉澗水
又東又過馬瀾水水出上曲陽縣城東北馬瀾水東北
流逕伏亭晉書地道記曰望都縣有馬瀾關中山記曰

八渡馬溺是山曲要害之地馬溺水又東流注於澮澮水又東逕中人亭南春秋左傳昭公十三年晉荀吳帥師侵鮮虞及中人大獲而歸者也澮水又東逕京邱北世謂之京南對漢項王陵澮水北對君子岸岸上有哀王子憲之陵坎下有泉源積水亦曰泉上岸澮水又東逕白土北又東逕樂羊城北史記稱樂羊滅中山蓋其故城中山所造也故城得其名澮水又東逕唐縣故城南北二城俱在澮水之陽故曰澮水逕其東城西又有水導源盧奴縣之西北是城西平城之地泉湧而出

俗亦謂之爲唐水也東流至唐城西北隅場而爲湖俗謂之唐池其水南入小溝下注澮水自上歷下通禪唐川之兼稱焉應邵地理風俗記曰唐縣西四十里得中人亭今於此城取中人鄉則四十里也唐水在西北入澮與應符合又言堯山者在南則無山以擬之皇甫謐曰堯山一名豆山今山於城北而如東斬絕孤峙虎牙築立山南有堯廟是卽堯所登之山石也又於城之南如東一十餘里有一城俗謂之高昌縣城或望都之故城也故縣目曰望都縣在高昌南此城之東有山孤峙

世以山不連陵名之曰孤山孤都聲相近疑卽所謂都山也帝王世紀曰堯母慶都所居張晏曰堯山在北堯母慶都山在南登堯山見都山故望都以為名也此唐河之載於桑經鄙注者也以今考之唐河名滌水出山西渾源州龍嘴村經靈邱縣南過廣昌至走馬驛新城兒始入唐縣境之大茂山東南行三十里至創馬關以河之右計之又東南二十五里至黃石口又東南三里至鶴尾口又東北八里至唐河西又東十里至苑家會又南十四里至劉家莊又南四里至葛洪又東南一里

至張合莊又東南十里至業口又東南十里至西唐湄又東南五里至歇馬又東四里至白合莊又南四里至父子山又南六里至鄭家莊又東十里至北大洋又東十里至屯村又東南十五里至羅莊又東南五里至南伏城又東南六里至岸上村又東南二里至勺堤入定州境清水河約一百五十二里以河之左計之東南行三里至川里又東二里至五道口又東五里至河北村又東三里至山南莊又東南十三里至花塔又東十八里至完縣之神北村又東三里至完縣之神南村又東

南三里至唐縣之北洪城又南三里至南洪城又東南
十里至偏谷又東南十里至東唐涓又南三里至南唐
涓又東南十里至河南村又南三里至明伏村又南三
里至常峪莊又南三里至呂家莊又東南三里至山南
莊又東五里至胡大洋又東三里至大洋店又東南十
里至西雹水又東南三里至城子裡又東三里至下素
又東南三里至溫家莊又東三里至白家莊又東南三
里至釣魚臺入定州境約一百三十一里通計自走馬
驛入唐縣境至入定州境約一百八十里證之水經注

大同小異所稱地名有可證近誌之闕畧者如注稱滹
水又東流歷山世謂是處爲鴻頭疑卽晉書地道記所
謂鴻上關者卽今之南北鴻城也注稱滹水又過馬湖
水水出上曲陽縣城東北流逕伏亭卽今之南北伏城
也誌以伏爲符援符堅事非也注稱滹水又東逕京邱
北世謂之京南今誌村莊有王京北南京及貢南京者
卽此也注稱滹水北對君子岸岸上有哀王子憲之陵
今於勺堤之北有稱岸上者疑卽此也又稱坎下有泉
源積水亦曰泉上岸今有留泉社疑因此名也注稱又

東巡樂羊城北史記稱樂羊滅中山蓋其故城中山所造也今有建羊社建羊村皆因此而名蓋謂樂羊所建也又稱安樂社或因民與樂羊相安而得名也注稱又於城之南如東一十餘里有一城俗謂之高昌縣城今之有五高昌其來久矣予洩唐五載沿唐河而行者往來如織九年仲秋十有一年季夏以公事往白石口始過走馬驛見河水入唐之形勢復命買運忠沿河之左右而里其地之數大約右紆於左因詳志之

雍正四年工部奉

續唐縣志略

水利

五

旨九卿等會議唐縣西南舊有廣利渠金太和六年所開引唐水灌田數千畝明萬曆中知縣楊一桂復濬之建九欄以脩蓄洩又於雹水村架木爲槽以過水號爲騰橋凡濬渠七十里歷村落二八分析開渠二十五溉田無算五年二月總理水利營田府撥銀分發營田地方唐縣原共營田八十一頃六十餘畝領工本銀六千八百三十八兩有零本年閏三月水利府條示凡營田人戶實在無力者每畝借工本銀一兩力量稍可支持者准借工本銀五錢其衣食粗足之家應令自行營

治分別旌獎知縣臧珣會同委理唐縣營田事史晉將
撥發銀兩借給各村於西電水等村開渠建閘興修水
利散給匠夫帑銀八百兩雍正九年總理水利營田府
會同直隸河道水利督臣劉 將營田事宜詳議具
奏

上派太僕寺卿顧琮協同地方官悉心查勘雍正十年正
月太僕寺卿顧 巡歷至唐知縣王恪隨先履畝勘明
難營稻田等處脩詳營田內營成稻田永遠可行者實
止三十二頃八十七畝五分餘如勺堤岸上等處其地

順唐縣志略

水利

五

四十八頃八十一畝七分五釐五毫難營稻田求改旱
地領過工本銀兩仍令按年清完等情隨蒙批准遵卽
分晰造冊詳報總督劉 咨部存案唐民始永享營田
之利矣

續唐縣職官志略

知縣

張國柱

江南池州人康熙十二年任陞雲南趙州知州

鄭昱

湖廣黃岡人進士康熙二十年任陞刑科歷官布政使

祝鍾俊

奉天人貢士康熙二十年任陞黃同知

王璋

奉天人貢士康熙二十年任

韓庚

湖廣黃安人進士康熙三十二年任陞主事

王孫延

山東武城人進士康熙三十六年任

林菁

福建晉江人舉人康熙三十八年任

續唐縣志略

職官

李尊瑞

江南盱眙人貢士康熙四十八年任

蘇名勳

河南陳州人例捐康熙五十二年任

李士楷

陝西涇陽人舉人康熙五十九年任陞祁州知州

臧珣

山東諸城人例捐雍正二年任陞晉州知州

楊琦

四川屏山人舉人雍正五年任

朱常裕

四川閬中人舉人雍正六年任

王恪

江南太倉州人戊戌科進士雍正七年任

典史

劉應吉

江南貴池人

李煥

河南人

王延珍

江南人

蔡維彬

浙江諸暨人

李廣耀

浙江山陰人

杜大年

陝西華州人

楊斌

陝西潼關人

劉秉懿

江西金谿人 雍正八年任

續唐縣志略

職官

天

橫河口巡檢

孫彥 江南桐城人

王士榮 浙江山陰人

張懷寶 河南人

吳炳 江南人

陳琦 浙江宣平人 雍正三年任 九年陞東安縣主簿

馮晉錫 浙江於潛人 雍正十年任 十一年休致

劉觀 山西稷山縣人 雍正十二年任

續唐縣志略

職官

教諭

吳宗伯

正定人康熙十九年任

劉國樞

冀州人拔貢

江景瑞

宛平人舉人

吳文元

大興人貢士

馮起熊

通州人貢士

吳翰

天津人例貢

繆徵

天津人甲午科副榜雍正三年任

孫眉

商日璉

杜濬

胡師寅

三河人

王玉

李鉞

周漢勃

豐潤人

陶圻

密雲人

續唐縣志略

職官

燕文麗

蓋平人貢士
雍正九年任

續唐縣科目志略

進士

甄承嗣

康熙丙辰科

陳詩

康熙丙戌科

續唐縣志略

科目

三十一

舉人

甄承嗣

康熙乙卯
科聯捷

洪殿宣

康熙甲
子科

梁廷幹

康熙丁
卯科

陳子宁

康熙丁
卯科

陳子王

康熙丙
子科

馬世猷

康熙壬
午科

陳詩

康熙乙酉
科聯捷

王之慈

康熙戊
子科

續唐縣志略

科目

劉文彥

康熙甲
午科

崔均

康熙丁
酉科



仕宦

陳瑞

由舉人官
內閣典籍

甄承嗣

由進士官四川夔
州府開縣知縣

陳于宁

由舉人中書
署霸州學正

梁廷幹

由舉人官河間
府鹽山縣教諭

陳詩

由進士官奉
天府教授

陳五常

由拔貢授贊
皇縣教諭

馬昉羲

由例監選黃梅縣縣丞陞恩施縣知
縣告病歸里病痊復命湖廣委用

馬汝寬

由例貢保舉河工効力
授江南礪山縣知縣
題

續唐縣志略

科目

三

貢士

左懋功

康熙十年貢

游達

康熙十五年恩貢

臧毓恒

康熙十年貢

胡澄

康熙十年貢

崔士英

康熙十年貢

王俞

康熙二十年貢

賈昌言

康熙二十年貢

陳五常

康熙二十年拔貢

馬芝

康熙二十年貢

左捷

康熙二十年貢

馬雲行

康熙二十年貢

杜塤

康熙三十年貢

王天全

康熙三十年貢

洪詔宣

康熙三十年貢

甄亮采

康熙三十年拔貢

陳于前

康熙三十年貢

續唐縣志略

科目

三五

劉祖功

康熙三十年貢

趙維藩

康熙四十年貢

趙鴻業

康熙四十年貢

王天倫

康熙四十年貢

賈璟

康熙四十年恩貢

馬若

康熙四十年貢

王天恩

康熙四十年貢

馬芭

康熙五十年貢

洪承宣

康熙五十年貢

趙佩

康熙五十年貢

張大猷

康熙五十年貢

賈立基

康熙五十年貢

趙和玉

康熙六十年恩貢

劉冲之

康熙六十年貢

劉簪

雍正元年拔貢

張映房

雍正二年貢

田生琇


雍正四年貢

徐克讓

雍正六年貢

陳盼 雍正七年拔貢
劉山 雍正十年貢

張大勳 雍正八年貢
趙爾壘 雍正十年貢



武舉

田邦藉

康熙乙卯科

賈璵

雍正癸卯科

王元達

雍正甲辰科

陳鵬

雍正甲辰科

續曆縣志略

科目

三十七

續唐縣人物志略

士夫

左榮字翼彤由貢士官陝西華亭知縣工詩歌著有穀
堂稿前後二集

邱浚字右軒性廉介不與人爭待奴僕無遮色以選拔
授廣東香山縣縣丞毫不妄取及歸貧素如常生平
樂以醫藥濟人著有哦松集

崔士英字如祁文學長子也隨任歸安父因分闈校士
致疾醫藥罔效英私嘗糞知病不起焚香求代及卒

續唐縣志略

人物

扶觀歸里憂瘁之色闔邑爲之動容

洪殿宣字贊聖康熙甲子科舉人善制義人以黃鄧目
之

陳璠字魯奇雪齋之家子天性仁孝學問該博隨任維
川保全孤城識畧過人父解綬歸里備極色養及疾
侍奉湯藥衣不解帶者四旬餘父卒哀毀骨立茹素
飲淡足不入內者五載郡進士陶國奇作傳著有續

快菴

陳瑞字潤生號鉉圃康熙壬子科舉人歷官內閣學士

籍事兼政治典訓館收掌

賜茶錦寶鈔卒於官私謚安節先生崇祀鄉賢著有四書寶筏禮記集要等書

陳于王字二陶璠之長子性謹醇好讀書屢試優等爲學使蔣虎臣特賞母卒水漿不入口者七日伏苦不能起立父再四勸慰始勉進一粥因母持戒遂終身茹素後中丙子經魁

陳于宁字二南號羽彤康熙丁卯科舉人中書改署霸州學正修文廟捐祭器并協理施粥放賑黎庶德

續唐縣志略

人物

之卒於官霸州士民請入名宦著有迂話七集

馬世猷字仲克舉壬午經魁言語動靜有禮居親喪每出入必焚香以告無異生存茹素三年未仕而卒邑人哀之

張挺字君措貢士性靜簡默文有奇氣

左懋功字圖麟貢士詩書清真字楷進婿

左捷字凱旋貢士工草書得其墨蹟人爭寶之

胡應隆字瑞徵庠生來臣遺腹子也父被兵刃後人養指遇害之處必向哭悲號終身一日節母喪及終

篤禱代母亡截髮割血虔設棺衾招父魂合葬廬墓
三年終身不餐葷食

王天全字篤生貢士天才奇橫數奇未遇

續唐縣志

人物

四

婦女

賈氏廩生賈心淵女庠生陳瑞妻也明崇禎壬午城破賊欲亂之氏大罵不絕厲聲指賊曰我頭可斷身不可污也自迎刃碎首而死邑令申請未蒙旌表

臧氏吏員陳誥之繼室事姑至孝夫故氏年二十六毀容誓守撫幼孤成立姑死喪葬盡力拮据素好善待以舉火者數十餘家有司旌其門曰節婦義母

劉氏太學崔振裔之妻生員劉蘭之女也年二十四歲夫亡撫遺孤堅方六歲教誨成立有司屢匾其門

續唐縣志略

人物

四

張氏胡來臣之妻夫遭兵變被刃氏年十九欲以身殉復念懷妊倘得生男夫嗣不絕後產遺腹子應隆氏紡績教子入泮選無郭 題請奉

旨建坊旌表今入節孝祠

米氏生員王心誠之妻夫故氏年二十六歲死而復甦者數次誓守堅貞治家有法大宗伯韓菴旌其門曰秋霜春暉闔郡紳宦表其閭曰節婦壽母邑令林菁匾曰白髮丹心

王氏例貢王宙妻也夫故年二十餘無遺孤之息方五

歲教訓或人邑令旌其

松筠節操

節氏民師銀之女劉滄之妻也年十八夫故氏痛哭自縊人覺救之戚族苦勸曰汝甫生兒十月誰其鞠之此兒成立汝夫血食不斷矣氏服其言撫孤國祚漸成家業邑令匾其門曰節操鍾祥

康氏民康崑陽之女李逢時之妻年二十夫病故無嗣人勸其改適氏誓無二求代夫立嗣承繼宗祧邑令匾曰節義可風

劉氏民李偏兒之母也年二十三夫殘疾家赤貧夫亡

續原縣志略

人物

聖

苦無棺衾鬻三歲遺孤偏兒於生員賀大掄家得價構棺木殮葬之母勸改嫁氏誓不從曰兒賣夫嗣絕矣積紡績餘資向賀生贖子還母子藜藿度日安州知州署唐縣事吳肇煌旌之

趙氏生員趙聰秀之女生員臧冲之妻也年二十六夫病篤禱神願以身代及夫故誓以身殉姑曰媳殉老身誰賴氏遂毀容堅守撫遺孤用正入泮邑令李士楷旌其閭曰荻筆遺範

邱氏廩生邱雲龍之女陳瑞之妻也姑患癰症凡

飲食滿便音氏親理不令婢代朝暮盥櫛衣履氏悉
跪服勞二十餘年無倦時逢地震甚危人皆入氏
獨越數門負姑而出房墻忽隕姑泣謂氏曰吾媿幸
心可達上蒼矣姑卒葬祭盡哀禮遠近稱之

同治庚午
重刊

續唐書

人物

卷三



續唐縣志略

內閣辦事中書舍人陳瑞溫醇著著恪謹

身軀

文撰述分勞於兩制才堪稱職絲綸貢寵於重霄茲以
覃恩授爾為徵仕郎錫之勅命於戲西清趨直用嘉翰
札之勞北闕承恩尚勵靖共之節

霸州學正陳于宁勅

康熙五十一年

錫類乃朝廷之典服勞為臣子之常爾霸州儒學學正
加一級陳于宁茲以覃恩授爾為修職郎錫之勅命於
戲欽茲綸綍之榮益勵忱恂之誼

忠義節孝祠碑記

知縣

王

皇上御極之元年以正倫紀厚風俗爲首務詔天下郡縣建忠義孝弟祠於學宮之內刊姓氏於碑設位於祠建節孝祠於別地標姓氏於坊設位於祠春秋二祭以風厲海內甚盛典也直省咸次第舉行矣而畿輔爲首言之地唐於保陽雖中邑乃古帝之遺封也承

命以來歷更四合至雍正七年仲冬恪泣茲土顧斯缺焉請金於帑構材於山運甃於冶鳩工於匠乘農隙集民力按式循制一建於學宮內之良隅一建於縣署外之異隅承以崇階繼以周垣屹如嶼如幽以令靈顯

續府縣志

藝文

四

衆始於雍正八年三月之二十二日落成於八月之十五日基得其地工協其度不踰不愆維堅維固祀於忠義孝弟祠者十一人額曰元凱餘徽祀於節孝祠者八人額曰英娥遺範在唐言唐也恭維

聖天子風厲之至意所以啟天良立人極一道同風以維美中天之盛斯祠同於象魏之懸木鐸之警其所繫不輕重哉時勤修葺以永垂無極過斯祠而觀感者曷有以歎因謹識歲月於碑之陰

唐邑侯楊公

一

萬曆三

楊世對

陽子法言或問爲政有幾曰思斂夫以吾政之弊此
諸輿情之思斂毋亦晴景而識形觀濶而得源耶故
爲政者務修衆庶之和時其痛疾加噢咻焉比代去則
民攀轅卧轍遮道以留之攀轅卧轍遮道以留之而不
得則相與謳思之尸祝之戀戀焉如嬰兒之免於慈母
也輓近世政衰於悃悃土直其民傳舍其官民亦土直
傳舍之而斂可知已善乎安邑楊公之爲唐也公爲唐
凡八閱朞乙巳春業已遷駕部郎去公去而唐人思公
不置於是丙午夏共爲祠生祠公祠在縣治之東薨棟

登飛丹聖具備端冕垂紳儼乎公之日泣於唐也公何
以得此於民哉頃歲中消陰陽左右口實採山鑄金佐
少府急而因以魚肉我百姓諸郡縣濬則拉取亢則逢
斂莫可誰何御憲及唐衆洶洶公曰是虎而冠不可
以禮義說止也乃百計給之捐俸出贖陰塞其欲而身
與之市當是時燕齊之間沸然騷動而唐邑以公故礦
砂之令得報罷歲後大疫民病莫與公喟然嘆曰食者
民之天也今野無青草炊不兼辰幸大府尚有餘糧而
有司者莫以告則罪當在歲哉力請臺使假天津德州

歸清三衛米四萬斛賑之而又時時給藥於帑以藥病
之無告者道殣路齒所在而有而獨唐之境溝無轉漚
籍無通丁得安堵如故唐故無田而中瀆水靡所用之
公周視皆沃壤乃相其原隰高下各隨土宜厠肆渠以
引其河延袤七十里給桔槔耕具民始知水耨法歲入
常稔田不下百千頃每西成操豚蹄祝甌窶汙邪者登
登相望也稱百世利云嗟乎羊腸九折輕車熟路之所
不易也而水斷蛟龍陸剽犀兕非湛盧勿任矣公甫筮
仕而宵人橫鶩歲之不易不虞洊至斯亦良工按轡之

秋霜鏗歛鎬之際矣而公屹然夷然卒能蕩滌以流膏
轉診以爲豐則所謂善爲政者天不能使之災地不能
使之困非耶昔蜀守冰穿貳江成都之中百姓饗流浸
之利而難會豹引潼水以富秦之河內迄今蜀魏之人
德之公之厠渠墾田區畫不出十人下計唐人德公於
蜀魏亦有加而無弗及焉若夫德無良而寬誤入之科
均差派而省厨傳之騷不苛察以傷明不宣成而具節
皆良有司之概耳請御史臺固露章薦安若復贊乎抑
余觀周人之思召公也及其所憇之棠曰勿剪勿伐

千百年后棠化烏有而周人之思耿耿照史冊間是勿
剪勿伐者猶有時而剪伐而名公之德視甘棠遠甚矣
然則民戀戀於公者較諸立祠當更爲遠况異日者肩
鴻流駿勳名圖史將與蜀守鄴令相雁行公亦何賴於
一祠而民猶沾沾者謂非是無以抒嬰兒之懷而寄茆
憇之思也而匪是思也又何以覘公得民和而布政醇
哉公名一桂字伯芳別號寒質山西安邑人起家乙未
進士於余爲同籍而余之令安肅也官又同地故因唐
人之請特文其碑蓋義不可辭云

鼎修龍母廟記

萬曆癸巳

知縣

孫希夔

城東龍母廟前未之有有之自萬曆庚辰歲云蓋環唐
西北皆山也山勢蜿蜒下趨地多沙而土瘠往古隄障
水去城尚遠而後隄決也漸浸淫城基下民居且蕩焉
當事者憂之傍城築隄而砌以石水勢稍殺民於是乎
有寧居僉謀建龍母廟鎮之用以捍澇禱雪爲生靈造
福詳在孝廉程君記中自有廟以來而橫澇不能爲災
凡幾歲矣顧廟名龍母一也吾庾建以祈嗣而唐爲捍
患設豈神之靈有所專用而歸於此或窒於改歟壬辰

冬予承乏唐邑謁廟詢廟所由置民應之曰爲水患也
余甚異焉未暇詳像之有無癸巳元旦余夢龍母自天
而降宛若庾像爲予言曰此壁上影耳蚤起瞻拜睹其
像果繪之壁間余始召諸父老前告以夢諸父老合口
讚嘆余亦爲兒祈嗣默禱遂捐俸命工塑之旣竣復爲
建前楹立儀門砌甬路置鐘鼓大門易而東綠垣植以
栢善衆翕然趨事廟貌蓋視昔改觀焉未幾余仲兒應
崧果舉子於唐詎謂非神功耶噫嘻民之主宰聽於神
神之靈爽依於人矧神以龍名變化莫測可以捍滂禱
雩亦可以資生發育隨求隨應亦何此顯彼靈之有是
其形余之夢寐間者乃其所爲神無方也自茲水患悉
除生齒滋庶唐民瞻依如在不知幾千萬禩與天壤無
畷矣諸父老謂予宜有言不揣記其事而勒諸石

前明楊公遺祠建修碑記

王恪

前明賢令楊公之德與唐山而並崇澤與唐水而俱深
迄今百有餘年其祠近在城市竟隱蔽於闕闕之一垣
泯沒莫可踪跡而一旦公之神若有所憑而發之也噫
異哉公之仕在萬曆時涖唐者八載其祠立於公去任

之後丙午夏舊誌稱在察院東察院已廢而基尚存祠址無知焉者癸丑冬大雪中有士民以事具呈而公之祠跡始著予往視祠惟頽垣半立而碑尚穹然峙於左文係明安肅令楊公世增撰叙公政績甚詳核公之興利在開廣利渠延袤七十里灌溉數百頃今已湮塞成沙土僅存者如帶作小溝洫然雹水北羅高和等村猶享其利歲收常倍於他處公之除害在革鑛闢初以計給繼以法繩剛柔互用得報罷此其尤大彰明較著者也自金元數百年來雖循良接踵無出公右者辛亥壬

子間予欲循公廣利渠蹟續加開濬而地屬旗圈多不便中止今於公祠理宜重建遲至半載餘始獲遂風志并建坊而勒數語於石以待後之力能繼公之政績者

輝寧寺碑文

順治四年

歷陽人劉恕言

唐邑古堯封郡近母慶都遂世嗣陶唐帝六傳劉姓是爲漢高故距城八里許育山之陽舊有漢王蹟石磴巖岩龍潭澄澈洵一方勝槩廼寺宇從未有也法輪示輝光寧淨彌勒世尊首稱三世禪祖語云以勞定國以祀之有功於民則祀之矧天竺神人囊括宇宙普度四

大部洲救拔百千萬劫非恢弘廟貌肖象尊嚴烏足以
昭揚功德恒陽衲子性玉雲遊遍天下老而駐錫茲山
發心剏建佛刹聿新募化領袖則有胡門孫氏王門閔
氏韓門高氏暨上谷常子等捨身糾引諸善信是以棟
梁輻輳貫根蟄集一如神輪鬼運壁立絕高處修佛殿
三楹設彌勒蓮座前列四天王側建白衣大士庵一時
四方之嗣者靡不有求輒應迤東數十武龍母宮源頭
鼎峙實洒雨澤鮮虞時若茲刹也臺砌森整門垣修潔
金碧瑩煌丹青焜耀卽西天聖境不過如是匾其額曰

輝寧表如來之寶輝寧東土云功肇於先帝之十年事
竣於當今之四載開闢有漸光景無窮與舊漢殿左右
相映誠奇觀哉且山勢巍峩允堪振衣千仞泉源湛碧
饒宜蕩滌塵襟一切無量衆生誰不皈依正果乎美景
勝事不可無言以記故撮俚語以誌不朽

重修漢王廟輝寧寺碑文

知縣

韓庚

縣治之良東枕靈源北拱馬耳者育山也育山之陽峭
壁巖岈弘厥而深秀者漢王廟也溯創建源流邑乘故
老及殘碑斷碣俱弗可攷也赤帝崛起豐沛滅秦踏楚

於唐無臨幸之跡意者白登之役或取道茲土邑人嘗
貌而祀之也前此率黃冠供奉修真歷有年所迨崇禎
十年有比邱性玉者移王殿東向復建輝寧禪院岩龕
金殿遂蔚爲叢林至順治四年始落成焉此廟與寺之
合也迄今五十年來風雨鳥鼠漸就荒殘卽檀那解私
囊使帝居寶刹煥然重新者慶都居民王開增暨黃氏
等萬歲山呼邱壑中如瞻鹵簿鐘聲呶響長林內疑見
旌幢佳氣毫光也爽籟風生山鳴谷應者樵歌牧唱也
綠樹參差碧潭澄澈者嵐巒掩映也豆人寸馬絡繹往
來者客子遊也青壁酒榼丹崖列座者遊人晏也方今
明在上豁達大度威加海外並駕炎劉兼之諸天效靈雨
暘時若帝道遐昌佛日增輝因之應運而興也獨是善
信王開增者非繡非羽毅然以修舉爲任三歷寒暑終
竣厥役雖勝地之興有時憶其前因非蕭曹平勃則阿
難給孤長者也

修復堯泉林公泉碑記

王格

縣署之右爲帝堯廟前有井久湮碑石上鎮顏曰堯泉
考之志卽善利井也一名天王井其水與蘇廣河同

底山堯廟有古堯泉遂取以名前明萬曆天啟間邑令
陳公張公後先修復獨莫考其所始及其廢又畧之左
有井曰林公泉蓋

國朝邑令林公康熙年間所濟也亦石鎮其上予竊疑之
井以養爲功茲雙井者近在畧之左右何胥幕而不食
也訊之邑人或曰以其曾滿人故幕之或曰形家者言
邑似龍形二井乃其目應出大魁前令忌之托爲不利
於邑故幕之予意防人之渴開之足矣若科目之盛邑
宰與有榮施何幕爲辛亥夏旱有里民請復林公泉者

予諾之稍助焉爨成畧左之環居者咸飲其甘孝廉崔
君碑以記之壬子夏復旱畧右之民請復堯泉予亦諾
而助之且曰此古蹟也帝堯之澤於斯寄焉卽非形家
言非值旱亦宜復况兼斯二者顧置汪濊於泥中乎茲
屆省試之秋非獨渴者被近澤且以一驗形家言爲士
子鼓氣也遂復之其甘與林公泉同予私幸雙井之去
幕而收於數十年之下而其養遂可下窮也至於形家
之言雖誕不足信第堯泉之西爲學宮林公泉之東爲
義塾兩井並列有麗澤之象焉夫士法之勤謹習以禮

文行安知其言之不驗乎則教澤與利澤並悠其在斯也夫因循邑人之請而書其復修之歲月云

重修林公泉記

邑舉人 崔 均

嘗謂興利以逮下者撫字之心也歌功以頌上者愛戴之心也縣治東有舊井一口歷年既多井谷射鮒久矣无與无會而爲時舍矣民用汲維艱率抱井泥不食之嘆邑侯王公見之心惻爰捐俸鳩工不踰月而元吉大成矣殆所謂王明並受其福者耶邑之人往來井井擬立石以誌公德詣義塾而問記余曰否否而不見夫天

乎覆冒無方非一管之所可窺也不見夫海乎浩瀚無際非一蠶之所可測也公下車以來善政不可枚舉大約清而明勤而慎惠而普挹之而莫殫名之而莫罄區區一井何足爲公揚厲者容有揖而進者曰何爲其然也井之象與下坎上二五當陽其德剛中公之清而明一井之冽而寒泉食也勤而慎一井之甃而无咎也惠而普一井之收勿幕而有孚也挹之莫殫者名之莫罄一井之養而不窮也亟宜表之以垂不朽卽家傳所稱改邑不改井之義也余聞之不覺首肯遂付諸丹時壘

正九年辛亥之孟秋

葛洪山銘

金司徒易州人張通古

峻哉華陽恒岳左巔拱衛王室盤鎮并燕易濔遠界瀝
水近漩三臺橫翠四峯插天修厓蔽景鳳峙昂躔衡岷
遜險華岱齊肩黃帝問道丹成稚川天陽許碯攸集群
仙白鹿偃卧黃雀翩躚寶經妙蘊抱一真詮似玉在璞
如珠返淵鍊氣合道解脫輕蟬遐思幽侶羨斯異焉敢
銘數語勒諸巍然

葛山指掌圖記

邑人陳效元

吾邑清虛乃北岳之左臂以峯名者有四曰紫雲曰白
雲曰碧雲曰天柱以岩名者有三曰玉仙曰滴玉曰柏
崑以臺名者有三曰鳳凰曰天風曰冷空以洞名者有
九曰偃月曰丹竈曰三清曰桃花曰朝陽曰重陽曰蓮
花在九峻山曰三仙曰盤古在分水山以峪名者有四曰桃花曰
後齊曰老姑曰檀峪以壩名者有二曰桃園曰蘋果以
寨名者有三曰鳳凰曰飲鳳曰飲虎以湖名者有二曰
北龍門曰西龍門以谷名者有二曰前暖曰後暖以岍
名者有二曰歪頭曰捨身茲山廣袤三百餘里其支聯

岳麓統於清虛者烏得盡遺之或可以俾閱者一目瞭然如在指掌間矣

葛山便覽

葛山挺秀者有三峯東曰紫雲時有紫氣覆其上絕頂有碧霞宮層崖古樹旁有鮑仙姑曝艾石平如磨礮在翠蓋嶺之右中曰白雲真誥呼爲層城者也頂有北岳廟中岩鳥道曲通小洞葛仙翁煉丹於內丹竈猶存八卦紋痕巖然畢露右曰碧雲峯重巘有偃月洞偃月子昇仙處洞口古柏倒翻攀之可入乃天生階梯洞內石

壁結花鳥雲龍之狀中巔有老君殿門旁有蹲虎石下至九天臺有玉皇殿右轉有耕雲塢真養靜之所也鳳凰臺巨石形如鳳冠又名香爐峯正當藏經閣卽古之淵靜觀東西二臺宛然似鳳兩翼上界三峯卽鳳之三尾也側有上清洞卽上清虛宮有葛仙翁浴丹泉洗心雙井在焉鳳凰臺之右翼曰冷空臺碑與天鳳臺同時事鐫西往觀淳熙飲虎池去徑謂常有虎飲於池也臺側有仙奕石又名爛柯石昔曾見三仙着棋於此鳳凰臺之左翼曰天鳳臺元皇慶元年大長春宮講經師王

道亨書齋臺曲繞東有桃花洞入可三丈臺拖北乃上
頂之南天門從下十八盤至快活三少息杖屨入天閭
門又登上十八盤約六里許方極紫雲峰巔此進香之
神路也從神路址轉北面西翠崖曰玉仙岩奉葛仙翁
鮑仙姑黃野人玉石像面目俱帶生氣金大定辛卯歲
癸巳月工人吳恭琢北行數武乃鳳凰池也水味甘冽
降白雲峰之次巔蜿蜒三里許有磨雲洞洞旁古木斜
出如蛟螭欲履洞者必踏木背以手挽柯始入此天造
杠梁也洞深廣約室三楹石上盡生雲霞之狀偃月子

嘗搗藥於此與仙人許碯相往來談道故稱偃月洞由
天風臺而東盤曲數轉恰對下清虛宮西岩有洞曰桃
花縱橫約丈餘唐天陽真人遍植桃樹故名自鳳凰臺
扶杖下四里至仙坑石世傳仙人嘗眠其上又有巨石
當路土鐫仙關二字從仙關石上東嶺盤道千餘步曰
下清虛祠葛仙菴內有半壁鵝潭道人打坐數年而化
循壁而下不里許至地藏菴

葛山路程

按括地志云北岳別名有五一日華陽臺解葛山也高

二千六百丈遼壽昌間洞虛陳真人建修菴觀百餘所
歷元明來尚有七十二菴觀之說又弘治碑記名安
山仙源錄名帶耳谷自南而遊者出唐縣城北行十里
登城子嶺十里登馬家佐嶺上漫石道十里至唐梅店
五里過唐河渡上仙姑洞三里登顯聖嶺卽洞虛真人
神化處十里至土洞循溪東轉十五里至張合莊達瀑
水汪蘋果園北到山神廟又到地藏菴又到下清虛宮
約七里許循西崖上至仙關石邑令孫希夔書字由蘋
果園上西圍實壤北下過曹溪上北坡過仙人墳金敕

建洞虛真人尸解墓二里入朝陽溝謁雙松菴三里到
仙關石由瀑水汪近海棠坡登東岡入滴玉巖俗名滴
水堂逐澗曲折到上滴水達下滴水又過蘋果園到仙
關石仙關乃登山之咽喉也非杖不能升陟五里到鳳
凰臺謁葛仙閣由閣前北轉東折過三官廟有浴丹泉
泉左三清洞卽上清虛宮也宮左有鳳凰池又左玉仙
巖南向天風臺上廣育宮北入南大門從登雲路入下
十八盤行者緣木梯蘿三里到歡喜臺至此舒足爲喜
也登上十八盤鳥道紆廻三里極頂俯視雲山盡在足

候彼列矣東禱碧霞宮西禱黑帝宮祈求皆驗西巖上
九天臺玉皇殿老君宮樓閣盡空拾級累百西至冷空
臺人立窟石真神仙窟宅也南路自城至蘋果園共七
十里西路自大茂山即太乙宮
俗名西頂岳嶺回由軍城白花裡
至蘋果園亦七十里東路自完縣由壕口至蘋果園亦
七十里

清虛山賦

陳效元

望太行之綿亘兮叢恒峰於渾源瞻大茂以磅礴兮聯
洪崖泰寧而無垠鎮金臺之鞏固兮並岱華嵩衡而同

續唐縣志略

藝文

七

尊峯巒嵒嶸之嵒嶸兮隆從岬岬而聯於漢雲巖岬岬
崩之冢椒兮通氣合脉而下奠乎坤元蒼翠東入於瀛
海協靈西併於崑崙眷茲葛山之擬聳實我巖邑之北
屏後引鐵冠白石
山東之香障前列天馬之昂騰標翠靄於
朔野疊礪礪之峻嶒羌暇豫而整筇屐負囊筒而愜游
觀修坂逶迤而徐蹇石磴攝齊而盤旋假牧豎以探導
挽藤蘿以躋攀擇濃蔭而思憩摩怪石而言歡提巖谷
之翠柏而捫撫採寶壤之靈芝而茹餐浴瀑水之芳潔
酌滴玉之沃泉步容與而倚霞壁身飄飄而踏仙關

道歸歸無翼可舉崇巒齒齒非階可登漫窺蓬萊之真
景方知望遠以高升俱石壁上刻字曜烜烜而流彩嵐冉冉而
欲悉松濤響萬壑之籟奇草兆亨嘉之徵乃登其臺峩
峩鳳冠爰集朝陽或鳴岐山鼓兩翼於雲表掉三尾於
蔚藍東則天風四起眺沔水其如紳西則冷空俯視覺
寒風之逼人見其嶺巒培塿若萬兵之來屯潏溜浚涓
奏雲璈之佳音邈古今於瞬息憫世網之浮沉爾乃三
峯插天紫白合碧與雲同稱初氤氳以如噓渺林石而
似蒸蔚兮蒼兮黧騰騰駢黜靈雲齒齒飄旋捲舒變
運風雷於掌拳每欲卽而不得徒猶豫以逃遠於是駕
華房於重嶽構菴屋於巖纏斟玉漿石髓之涇淥蓄璫
枝瑤卉之蕤鮮朝攤書於艾石夕滌筆於丹泉予喜棲
遲優游得卒歲於其間

游唐梅仙姑洞記

王恪

唐河夾山而流至唐梅村之北其嶺亦以唐梅名嶺曰

西而來稍折北復東山半有洞遠望如月形者仙姑洞也舊志有唐姑梅姑修仙於此得名趾臨唐河數武三折而上正洞廣輪各五丈餘高及二丈洞已有扉置几席於中有龕佛像其後則昏黑如夜秉燭而入仙姑像存焉火燄歛明不能旁燭四顧沉沉生恐怖念更向西斜迤而上石滑甚時聞泉滴前援後推將百餘步如入牛角愈上愈隘至頂有一石柱高數尺許圍約抱餘繞柱而東上無路轉斜迤東下如入井深黑昏冥疑通泉穴燭漸見跋不能下而返至正洞西復有一小洞口如

竇俯伏而入廓然如翼室高廣丈餘深倍之石多金色有石如編細竹長二三寸上下連而四圍不屬頗玲瓏可愛又有如獅首形嵌空如口者胥乳滴所存也洞頗奇而其勝尤在洞之外兩壁巽峙上崖垂覆俯臨匹練游目無際而退足憇息焉則斯洞爲仙府靈窟矣時雍正十年閏月之下旬

游磨岩滴翠泉記

邑西十五里爲磨岩山卽唐邑八景之一名磨岩滴翠者也志稱山形如磨岩中有水名滴翠泉泉

皇開詩由子支州父舊隱之地此山綿亘二十餘里實專以泉名也至山趾有大淵縱橫輿騎屢阻盤旋而上約二里至山之腰有寺隱現新舊三碑最舊者殘缺無年月首云磨岩山水泉洞玉華觀乃知志所稱玉皇者謾也一爲康熙四十八年重修立一爲雍正己酉八月重修立而文字多漫滅不可考觀之西有如城關者廣半丈深倍之北有泉從上而下結成冰如水精屏風中更成一月洞可容人入下有深井轉東更有一水洞可出石上覆泉從上流滴成冰因形似而名岩此卽滴翠

泉也還從闕出西更有一池三面皆石高丈餘上覆大石二丈餘春微穹儼如一室而東西左右皆壘石爲墻中流蕩漾成池不知所稱水雲洞者卽此耶玉華觀係攬石成左右皆有石穴可入四面淺級易屨而上則觀之頂也一望全山皆見此寺在山之胸左右環抱形勢最佳上二里餘爲絕頂叢石盡盡又西五里餘一峰尤高上有姥母廟聞之住持道人鄭來寧云此岩夏景尤勝然予觀茲山純骨無肉故林木稀少而石多怪偉惟以骨勝故有髓全山窠穴甚衆想當驟雨時衆流奔注

洞中瀑布奚滅匡廬恐不儘以滴翠一泉擅名也于海
適值雪後故與志所稱夏月如萬斛珠璣冬月如玉柱
水壺者適相印証云

至白石口記行

雍正十年八月二十一日將至白石口相驗去縣治二
百餘里有捷徑山路斗絕步騎難行因從大道出南關
西折三十里至西壺水村始見黃葉十里至西大洋飯
三里渡唐河以後俱入山路矣十里再渡唐河至東莊
灣三里至十八渡紆道二里至橫河口宿二十一日返

舊道二里至十八渡從前皆西向行至此始折而北矣
三里至南鎮里半里至北鎮里地可宿昨以有事論巡
司因宿橫河口也四里至柳樹村一里至南家村十里
至宋家莊五里至鄧家店三里至乾河橋自南鎮里至
此皆曲陽地十四里至軍城山至此愈高峻三里至下
葦子十五里至上葦子飯十五里至宋家樓多山溪截
道水石相闕而行有幽絕處近畫圖五里至南嶺子高
踰里許盤折而上下五里至夾子裡宿二十三里五里
至北嶺子紆折上下數五里石尤奇峻樹亦古七里至

教場三里至倒馬關胡都司來迎至署茶話而別出關
氣象尤雄傑石多磊落崎嶇卽大茂山也兩崖劈峙唐
河中流雷轟雪濺兼山水之勝從兩崖行不半里見古
碑上刻太極鴻苞古將軍柳篆旁刻古筠李九華書又
二里半至上關頂因崖旁路絕鑿巖而上凡三關行十
里許隨河東折里許至夾馬石有關帝廟雍正七年建
行里許渡河時將造橋以渡行人用柳圍石卵以爲橋
柱置板於上尚未成東南折二里許西北折至新城兒
三里至走馬驛地屬廣昌乃直晉交界處出關之山至

此而止在東者脈與地平在西者雖有山相接而尾脈
中斷此直晉之所由分疆者也自此而北山勢稍分十
里至茶棚又入兩崖中夾溪多樹五里至角城兒十里
至祭刀嶺三里至五間房宿二十四日行十里至插箭
嶺勢甚雄傑上下三關聞宋楊令公家居於此過關苔
石羅列如錦繡堆此後山勢又分路漸坦五里至西莊
舖東折八里至采石嵐南折八里至白石口從北關入
山甚突兀氣象雄偉里許稍折而西卽都司署不入至
屍塲審問畢至公館拜都司登山謁碧霞元君祠更出

南關周覽形勝此口係一山曲南北長三里東折而北
長里許居民百五六十戶皆兵也北關外有一巨圓石
中穴如蜂窠係人力所成問其名爲石砲亦軍器也夜
宿公館二十五日歸從故道如溫舊夢所見又多異至
五間房宿二十六日遇雨景象尤變仍宿夾子裡二十
七日薄暮至署往返共七日計程四百七十五里得詩
三首

重修東嶽廟記

明嘉靖三十二年

邑人田豐

保之屬邑惟唐爲最以帝堯始封唐侯故曰唐縣堯封

續唐縣志略

藝文

卷五

郡雖去古甚遠猶有堯之遺風焉邑城北堞上建立帝
廟東門外有蟲王廟南門外有關公廟西關有龍王廟
神雖不同要之皆壯奇觀以鎮一方之妖氛也城西南
有北嶽廟丹青極其壯麗城東南有東嶽廟元劉秉才
所建蓋以當時若於泰山之遙而游行宮以便邑人之
香火其正殿三間中塑東嶽行神袞衣冕旒儼然帝王
之氣象左有聖母元君之殿右有炳靈太子之宮也東
西司各五間中馬殿三間其南大門宏敞穹二字直軒
豁真乃神之所宅也厥初惟愚夫愚婦乞求兒女詣廟

燒香其三月終旬八月尤多正德年來人民富庶異物
繁華好事者開舖店陳酒餼以延賓客遠近士庶者致
千人鬼神之爲德至是其盛矣乎奈經歲久廟宇陳腐
不能以蔽風雨賢侯駱公謁廟見之於心有戚戚焉急
捐俸貲以爲民望鄉老董富發心施財住持道人游教
聰募緣以爲興修計由是邑之中翕然成風富者輸其
財貧者効其力度其棟撓榱朽者而易之簷摧瓦墜
者而修飾之神像殘缺者補塑而潤色之堦基傾頽者
運石而砌壘之山節藻稅煥然一新原其所自雖曰神

之靈感人之敬陳要之皆侯之功也由是觀之可見天
下之事莫不有理與數存乎其間然理有時而變數則
一定而不可易者也何也恆山去縣治西北一百五十
里太山去縣治八百餘里又縣東南平沙漠漠有村曰
岳嶺村以岳嶺爲名安知其非嶽神聚會往來必由之
路乎是知西南之有北嶽理也東南之有東嶽亦理也
若夫東門蟲王廟屢因山水衝決雖泯沒而基地中存
西南北嶽廟偶因夜隱穿窬經撤毀而墻垣猶在目今
道十絕致一碑螭首龜伏其高一丈請文於予以紀其

亭是以不憚辭煩語畢而資及於廢毀之二祠尚冀明公爲民慮遠相决山川修復西北之舊堤則水患不及於城郭而東門之廟亦可因之而興矣明罰勅法戒嚴警備則盜賊屏跡而西南之廟亦必有人如修東嶽廟者而重建之也噫其烈也數也其毀也數也其重建而興修者亦數也謹記

署後大士閣碑記

知縣 宋祖乙

崇禎乙亥之孟夏祖乙承乏唐邑初謁拜帝堯廟愾然有平康之思次謁署後大士閣竊疑之攷之掌故不得

續唐縣志略

藝文

其創之自始噫檀那之燈相傳宰官之遊未歇何前蒞此者竟無片語及之豈昔之建閣於署內夫其漫焉者予竊揣之予見夫唐之地沙賦重民貧俗墮士無鮮衣女無粧飾有古土茨風且隣真定豪邑界被處保定衛軍更有倒馬軍城衝邊之累是唐邑與他邑不同宰唐邑亦與他宰不同一宜寬厚不事震厲寧如慈母無寧嚴父必有普濟婆心大士若世之奉禮大士皆慈其像皆以觀音娘娘稱無非以婆心勝故也故建閣者實有菩提心而屬意大士閣不建之都市并不建之外庭而

創立內署似專爲縣令設者又似逆知有今日修濟儲
練等事騷動士庶宜加撫循爲今日縣令設者竊又疑
之堯廟儼然通邑共見何事大士爲不知中天已邈巍
蕩難追孰若慈悲心返觀卽見醒我如保卽登彼岸刑
清罰簡卽脫塵勞抑強扶弱去煩就省卽是佛力無邊
任我宦遷一意慈悲卽妙有三十二相也建閣初意其
斯謂歟乙承乏斯邑敢謂有當於婆心歷事週歲調任
永年盜賊人命不一經見獄幾於空或亦大士普救力
歟是爲記

重修柏林菴玉皇廟碑記

教諭 冷之澤

畿輔上谷之唐攷志林爲帝堯故都山靈翳鬱唐河澎
泮地淤民瘠比歲游饑賴神庇之令牧之而始有起色
城南之西玉皇廟建自萬曆十四年古柏參天藁林環
匝衲子談經看守其側名柏林菴玉宮森秀香火如織
其來舊矣有邑庠杜生先人曾卜塋於廟後人禁足而
焚修遂寢雖然柏林隱古蹟存天臺藥珠尚自出現一
日禱雨南郊謁廟見聖像莊嚴金光絢目而風雨莫蔽
椽宇傾頽俱屬邱墟余仰天嘆曰上帝居清虛殿闔豈

計人間抔土第立都恍猶有栽者古廟柏無人恢復
不忍廢柏而并廢廟也是夜夢魂惴恍如失爰集諸事
子商確喚杜生再四切論與其修一家窳宅何若修闕
縣福堂且神地豈爲風水塲夜城敢占天臺土乎杜生
如遽然改絃唯唯而退余願分清俸贈杜生使其另覓
別塚還唐廟地神人其庶無怨恫乎而不意余以公車
之役量移中州行恨不獲觀厥成有三韓李堂翁來治
唐軫念地方爲民請命甫下車頂禮聖廟而卽發鐵鼎
建此從來未有盛事又得寅丈程君捐金贊襄鳩工聚

衆與邑中士若民各出所有種種檀越共成義舉不數
月而殿宇修葺旃檀如故廟貌一新天工人力倏焉報
竣矣邑人咸快盛張萬年燈鐫石以志不朽諸生左明
德等因余曾有約而索余言余媿不能文盥手焚香謂
帝堯故都實上帝臨止鑒觀處詩云侍臣鶴立通明殿
一朶祥雲捧玉皇使唐之宦於斯生長於斯者見廟之
重輿戴上帝而樂堯天自此柏林復植仍識帝居陟九
如之臺登華胥之域祁寒暑雨有禱必應旱蝗何患無
危不解神地其屋唐人其蘇則此廟之造唐皆仙令李

公之力而諸君子亦與有功矣又何必問福田智果哉
後書崇禎七年歲次甲戌四月望日之吉唐縣儒學
教諭舉人陞河南伊陽縣知縣銅梁冷之澤叩首撰
予按舊志無此文并職官志儒學教諭無冷公姓名
乃知舊志之遺漏者不必荒遠也并稽廟柏殿後十
五株殿前十三株戟門外三十二株頭門外二株共
大小六十二株因補刻於續藝文志之後

重修關帝廟碑記

康熙三十一年

王璋

自古聖賢多矣其千百年俎豆不衰者惟孔子與關帝

續唐縣志略

藝文

而已顧孔子設有學宮非學士大夫一

崇禮而關廟遍天下凡通邑大都第谷僻壤莫不有廟

上自王公卿相下至販夫

後度沐而尸祝之其靈

舜今謂關帝比隆孔子

也城東百步之外為講武

說焉蓋關帝威振華夏

忠勇為期故以其地祠之

乎竊以為唐祀茲廟也

百人加以太平日久休息無事之餘屬兵訓士蓋亦運
乎其未講也然數十年來野無伏莽戶皆安堵樂於畝
畝衣食者未必非神靈陰相而默佑之也可聽其傾圮
而不亟謀鼎新哉矧余積誠有素冀得關帝祠宇而新
之會茲廟頽廢已甚適以殘風願矣特捐薄俸爲首倡
而邑之紳衿秀士共襄厥事凡廟之爲門爲楹爲殿爲
闕孰宜木孰宜瓦孰宜甍孰宜石分曹鳩工庀材振事
不兩月而廟成慮其後久而漸廢恐不能復葺也故並
捐祠田以垂不朽焉而邑之士民向其俎豆不衰而以

關帝比隆於孔子也所厚望矣是爲記

唐縣攷

邑人陳育陽

唐縣古白狄國也世傳帝堯封侯之地定州有唐城完
縣有堯城俱傳說帝堯封侯之城至於廣平府屬之唐
山縣亦傳說帝堯封侯之城想上古侯國未有如此廣
大約畧唐縣爲近是縣北十三里嶺上有城帝堯爲唐
侯國於此後名中山城嗣又慕容垂稱帝亦都於此定
之唐城乃盧奴城也完之堯城乃教子丹朱所築現有
幽逆河遺蹟在焉若廣平府之唐山縣有柏人故城在

縣西十里皇甫謐帝王世紀堯所都又有柏鄉故城在
縣東北二十里寰宇記引城家記云堯所築唐山名堯
山又名宣務山在縣西北八里上有堯祠春秋時爲柏
人地唐置堯山縣相傳唐堯封於此金遼睿宗諱改爲
唐山縣詳攷廢摯立堯時諸侯請禪群會於此非都也
唐縣爲帝堯封侯之地無疑矣若河南南陽府之唐縣
因境內有唐子山故名與帝堯無與也唐縣志郡國表
圖曰漢爲苦陘今苦陘城在無極縣東北二十八里光
武封杜茂爲苦陘侯毋乃相去似遠乎恐苦陘之名或

未必也永平府城西北四十里有遷安縣舊有駿賜郡
荒廢乜久至遼創爲安喜縣遷定州安喜縣民居於此
亦名安喜金大定七年改爲遷安縣今遷安之民皆遼
時唐縣之老籍而唐縣之民又多明時洪劍之老籍時
移人殊不可不知也再攷縣治之城乃周詩所築中人
城之舊基也而北高昌村亦卽東漢之高昌縣也

堯山寄雲濁鹿三山攷

從來省志簡於府志府志簡於縣志理也保定志載唐
縣山類有堯山寄雲濁鹿三山而縣志獨闕何地非府

志故築而縣志故畧也爰訪堯山在縣西八里口院村之西北山也山腰有清泉淵而不流旱而不涸上有堯廟其來久矣寄雲山在葛山之西與白花山相近濁鹿山在望都山之西北一脉相連今俗稱龍坡寺是也皆因今昔異名文俗異稱况唐之西北皆山千重萬叠不以名著者又指不勝屈矣

唐河源辨

縣志曰按鄆道元經注曰沇水出代郡靈邱縣高氏山南過廣昌縣南又東南過中山上曲陽縣北府志九水

曰唐水發源楊川嶺山唐縣應劭曰中人城西北四十里謂之唐水水經注曰唐水出中山城北卽中阜下流經祁州境與沙河合一統志謂唐水源自山西大同靈邱縣南經飛狐口過倒馬關至唐始大故名余每疑之遂親自裹糧循河而履其源河自山西渾源州發源之泉有四一北嶽恒山之南龍巖村西澗有泉盈尺一搶風嶺柵子溝有泉一湯頭舖有溫泉坐湯亭址在焉至今變成寒水一蔡家峪有泉俱清水會於東河南村水色漸渾黃東經靈邱縣又東南經廣昌縣皆名爲湯河


因原有湯泉以名之也至廣昌屬之走馬驛始溉苗有
水田又東南入倒馬關遶清虛山背東過完縣地方折
轉而西至唐縣蔓延百里轉而東南至定州水利全無
只受漲溢之害東至祁州與沙河合流會磁河
入於海



續唐縣志

藝文

十四



魯奇先生傳

國朝教授陶國奇

清人
陶國奇

先生姓陳諱璠字魯奇雒川公雪齋先生之長子儂陽唐邑人也性醇謹見人物恂如舉動必以禮好讀古爲文有奇氣每見前人忠孝大節輒慷慨激昂欲以身效雒川公每歎而奇之曰異日負荷名教必此人也當雒川公以明經筮仕得雒川先生隨之任時值喪亂之餘殘骸斷鏃滿道皆是民罹兵燹皆鳥驚獸駭竄匿山谷間到其處則空城也先生左右之勞來還定安集民乃出復業始得成城市已而王永強倡亂欲犯城城中武

續唐縣志略

藝文

七

備一無有公憂形於色先生曰見在無懼令百姓勿乘城扶公坐城樓上賊至隄見雉堞無一人獨官坐樓頭疑有備遂散去既而公丁外艱解綬歸喪畢門開三徑松菊怡情先生備極色養膝下無頃刻離及公卒捨地呼天日夜慟哭淚盡而血溢人或以滅性勸先生曰此身親身也果得從地下願也遂寢苦枕塊於喪次足跡不入中門者五年嘗考先生治春秋舉明經廷試第二人以父去世遺恨終天不欲仕又以高堂闕寂無事主中饋琴斷不再續先是公寢疾時先生伏侍湯藥

不解帶者四旬餘易簣夕公稱之日真孝子真孝子焉
呼如先生者真無媿斯名矣



恭紀改定營田十四韻

王 楷

睿照懸離日 綸音轉異風
土宜徵物性 歲飲謝農功
流澤苗方盛 泥留岸日崇
旱乾難潤下 泛溢更遙冲
盡善資羣策 無欺効盡忠
良謨陳地利 碩德啟宸聰

太僕分巡重尚書 總制隆山區
圍瘠薄水脉夾龍從勢險 尋常外

恩移浩蕩中 便民仍舊貫
履畝賜恒豐 原隰高卑露林谿
曲折窮歡聲 輿望慰喜色
衆情通輔助 賢王略承宣
聖主衷史臣 書大有從此萬方同

續唐縣志略

藝文

七

馬耳雙峰

陳效元

雙尖削出晴嵐封 自古神駒讓此雄
自是天公驅衆憤 高脚金勒立雲中

靈源曉月

古柏凝烟界樹腰 峰廻磴曲徑偏迢
晨光忽徹井泉底 恍見水輪吐綠曉

石曰停舟

老僧歸去尚名泉 沙磧如舟日泊川
想是渡迷思 於今從此悟延年

磨若滴翠

峻嶒石洞帶雲開
星聚懸泉碧欲堆
萬斛珠璣收不盡
人間無復說蓬萊

狼山晚照

平原西望樹重重
傳說屯兵識舊踪
鴉噪孤村樵牧去
夕陽如練掛寒松

風山鐘鳴

風山北接王陵地
山咽河流清籟生
曾讀石鐘蘇子記
方知穴窟作鐘鳴

續唐縣志略

藝文

美

清虛聳翠

抱朴丹成豈用砂
天風臺畔白雲賒
而今重到昇仙處
飛上三峯不憶家

恒山積雪

朔方喬岳接長空
遙拱羣山迥莫窮
不自青蛾障素練
緣何千里看雲同

馬耳雙峰

邑人

陳瑤

雙耳凌空雲裏封
明皇圖畫莫爭雄
燕南自古生神駿
不在驅黃牝牡中

靈源曉月

塔峙山頭泉湧屢
蒼古柏逕迢迢
瀉靈最是井邊水
帶月流來印碧曉

石日停舟

誰將鉢水灌清泉
貝葉爲恍障百川
遙憶當時蘆渡去
虛舟泊岸不知年

磨岩滴翠

記得當年春凍開
攬衣踏破白雲堆
崖懸玉筍瓊珠碎
誰謂人間半草萊

續唐縣志附

藝文

七九

狼山晚照

狼山石磴翠重重
幾度登臨訪舊踪
日暮前村生爨火
嵐光霞色繞青松

風山鐘鳴

會上風山看古城
龍湫石穴靜無聲
昔人不覺海聲響
浪說曾吟鞞格鳴

清虛聳翠

千尋一壁裹丹砂
翠嶺欲流一望餘
直到不暇應
騷人爭說欲爲家

恒山積雪

截業恒山萬有空白雲積素杳無窮試披崔嵬登峰立
一曲陽春未許同

馬耳雙峰

邑人左 蔡

雙耳峻嶒靈氣封若逢支遁亦稱雄何當跨向三山外
回首一鞭霄漢中

靈源曉月

何年法水湧山腰暗鎖禪關竹徑迢五夜靈光冲碧落
時同明月印巉嶮

續唐縣志略

藝文

全

石臼停舟

溪花低亞隱鳴泉佛磬聲聲落遠川始信慈航有處所
停棹彼岸學長年

遊風山

陳效元

遙望峯巒碧四圍閒來徐步問山扉村村林麓分青霽
曲曲河流寫翠微日暮寒雲迷石徑月明清露濕春衣
浮沉世事真如此坐對長松了道機

居唐河雜詠

邑人 崔士俊

抱膝荒村莫與隣喜看秋水到河濱衣衫自帶開雲去

不着人間道上塵

藥裹餘生乞得閒
烟來霞去懶開關
任教惡竹當窻下
濃淡隨他不欲刪

遊唐梅洞

邑人陳璠

數里達雲窟
仙踪今尚存
分明來淨土
何事訪桃源
洞邃天難曙
嵐深日易昏
山僧多入定
我亦欲忘言

登天風臺

陳璠

天風臺上御天風
風靜臺高天際空
壁立三峰雲以上
帶環一水山之東
拂衣秋草平鋪翠
撲面落霞斜照紅

續序縣志略

藝文

全

醉倚霜楓盤礴坐
朗吟長嘯徹洪濛

謁漢高祖廟

漢皇古廟遺山阿
玉輦曾經曲逆過
明月峰頭池上樹
令人長憶大風歌

遊清虛山

名以葛洪勝山光秀
且幽霜林丹璞而蒼
柏翠迎眸遠岫疑天
馬迴峰似卧蚪洞空
爐竈冷徑曲薜蘿稠
仙令傳勾漏道書藏
上樓霞飛紫氣繞風
動嵐光浮野鳥傍雲
宿寒泉帶月流年年
秋暮日常憶此番遊

馬耳雙峰

教諭 繆 徵

棘荆深鎖白雲封日飽風烟健骨雄
蹀躞豈甘受絀絆任教昂首九霄中

靈源曉月

森森古柏轉山腰寺靜潭空月影迢
妃子不知何處去猶將殘墨譜嵯峨

石臼停舟

澗繞山村寺繞泉雲林漠漠靄芳川
曇摩指點西來意一葦慈航無盡年

續唐縣志略

藝文

全

磨岩滴翠

誰把針穿石隙開明珠滴滴翠成堆
洞天深處稱壺隱不羨人間闢草萊

狼山晚照

丹梯天外幾重重古寨依稀認舊踪
牧豎笛聲歸唱晚霞光萬道射高松

風山鐘鳴

招提勝槩擁山城遙望依依景色生
應是山僧座未暖耳根猶自作鐘鳴

清虛聳翠

丹泉何日見丹砂利得仙踪思翠綠秀色無邊收不盡

三峯山外屬誰家

恒山積雪

一峯高拱萬山空回首水巖致不窮信道天池堆玉屑
嶺梅崗遍總難向

倒馬關

王恪

倒馬鎮雄關資維

神京隘關南已笑兀關北尤偉怪

連崖萬丈夾一道唐河界巨靈掌恐抵五丁力亦察地

續唐縣志略

藝文

八三

險固金湯結構雲端寨上頂歷級登前騶氣喘憊洵足
一夫當百萬衆摧敗我來憑弔餘登臨償宿債磊落崎
嶇姿一石供一拜

挿箭嶺

群峯屏障圍居中嶺肩鞞南向尤雄峻列柏森如箭
下關五重敵樓冠磊砢俗傳楊六郎遺跡留射塚斷
貫石中千載相函鎖山趾列碑亭里巷崇香火嶺名由
此傳亦足雄么麼出關勢漸夷苔石羅道左欄班似
墩惜少游客坐

白石口

水嶺蜿蜒夾巨折三里餘南北築城墻屯列兵民居建
牙清輝中山水相營紆石色間冰雪泉聲雜笙竽雙松
聳半空碧霞靈帷虛電霜耀戈甲風雲護儲胥形勝實
咽喉控制煩 廟謨此行恤民命兼復審輿圖藉之成
壯遊敢惜我馬瘖

游三尊佛寺

山骨誰雕琢慈悲態儼然蒼崖留破澗陰竇貯甘泉金
耀三層殿風清七椀仙霎時塵想絕此地卽初禪

續唐縣志略

藝文

四

游孤山

屢次經過暫駐輿振衣攝屐少筇扶浮圖風靜鈴無語
香積烟寒水預儲飛榻空懸雲卧險墜菴半闌夜禪虛
今朝差慰登臨意忙裡偷閑片刻餘

重游靈源山

三載靈源夢重來拾遺景怪柏儼猶龍萬象如塵影經
碑峙蘭若花塔鎮絕頂宮詞毀舊刻曉月想窺井一泓
文殊泉味淡空諸品天然石室留杳冥隔凡境病餘寫
自欣未改濟勝脛

龍潭

一勺澄潭寒聞有潛龍宅
祈雨走兒童與雲貯涓滴憶
當亢早秋沉鐵飛霹靂四境
回枯焦萬口傳靈跡猶見
五色魚宛爾濠梁適異草
非蘋蘩勁直波中立

滴翠泉

寒泉翠微滴虛洞水雲貯
凝結儼冰壺玲瓏啟月戶一
方雪窖深萬古石髓護懸崖
覆天池鑿穴通雲路奇勝
欲忘歸凜冽難久佇愛此玉
華名初從薛碑著

萬石園

在東口底山頂

續唐縣志略

藝文

全

何來磊落群疑自天宮漏星
隕欽光鎔石化凝醇厚揮
灑墨沁點順勢屯萬獸羅列
斷復連形狀怪且陋及肩
未爲高橫目不勝富或傳蘇
武牧幻術初平就于役敢
告劬僻徑喜奇觀竊擬置一
椽惜少松濤吼

游唐梅仙姑洞

流轉翠微曲天然一洞開寬
容踰廣廈遠杳上層臺秉
燭寒無燄栖雲濕自胎添衣
忘酷暑仙境想蓬萊

游龍坡寺

古誌稱靈坡新牌稱龍坡
龍之爲物靈字殊義非訛五

點高昌烟攢簇織穠螺殿宇既閔厰西閣尤巍峨締搆
榛莽餘衆力資檀那不有焚修功如此精舍何

續唐縣志略

藝文

全

對聯

河神廟 在霍水古木廠

飛怒浪於騰橋險亞夔巫之峽

漑嘉禾於瘠壤功高鄭白之渠

先農壇 在東郊

耕藉通行下裕普天之樂利

桑盛咸備上昭明德之馨香 楊琦

帝堯廟 在城內

就如日瞻如雲天猶可則

續唐縣志略

藝文

耕而食鑿而飲民孰能名

關帝廟 在東郊一在東城門內

四海之義皆兄弟同袍祇有三人

一生之好在春秋正統豈容二姓

武侯同志留正統於三分

宣聖齊名作嚴師於萬古

八蜡祠 附猛將瓜神

禁昆蟲之母作報功下逮虎貓

樂四方之順成酬德旁敷表嘏

繼百戰將軍之烈下佐農功
掩五色故侯之名上充貢物

馬神祠

在八蜡祠東

竹批耳峻北瞻雪後之雙尖

風入蹄輕西鶩雲端之九折

忠義祠

在學宮

遵大經行正路千秋不朽姓名炳若丹青

本天主盡人倫方寸無虧事跡昭於竹素

節孝祠

在社學西南

續唐縣志附

藝文

六

誰曰無非無儀此巾幗也而寧異鬚眉

但能可法可傳雖萬難焉而已同松柏

縣堂

居心似水惟虛惟平惟明方能堅物

執法如山以厚以堅以永始是壽民



匾額

先農壇 粒我烝民 楊琦

城隍廟 日監在茲 李疇 瑞 無私有赫

關帝廟 浩然正氣 王璋 乾坤正氣 臧珣

八蜡祠 穀我士女 林菁

馬神祠 天駟昭臨 林菁 星臨罔座 李士楷

忠義祠 元凱餘徽

節孝祠 英娥遺範

縣堂 牧愛堂 張問政

續唐縣志略 藝文

二堂 居敬堂 張問政



仙釋

晉

黃野人葛洪弟子隨洪在清虛採藥種椒後同至羅浮
結廬於冲虛觀側時有亞虎守之洪既仙去留丹於
柱石間野人自外至得一粒服之為地行仙常有詩
云雲來萬嶺動雲去天一色長嘯兩三聲空山秋月
白

宋

續唐縣志略

雜志

九

椒仙翁隱居葛山每在古柏下扣石而歌昔陰長生丹
經言也修煉於天風臺白日飛昇

元

牛師傳不知名號里籍自居洞中每夜有虎卧洞口人
問以仙真之道每答曰有動之動出於不動有為之
為出於無為不過煉精成氣煉氣成神煉神合道而
已知藥而不知神室則不可結胎神室而不知火
候則不可成丹與王婆婆同時尸解

王婆婆不知何許人在窪裡焚修數十年漸識字通文

窪裡無水離牛師傳洞三里許汲水一日牛曰汝
人也徃徃向我洞中汲水荅曰我不得已也別無水
可汲牛曰汝所坐之處有水何用遠求王以牛爲嘲
戲將汲筒擲碎哭罵而歸坐在菴中拍地而哭手拍
處忽湧大泉頃刻成溪泉中生蓮一朵捧王婆婆端
坐而逝香氣數日不滅同時牛師傳亦坐化

因朝

滴水^上二老道係師與徒也未傳姓名里籍日坐小石
穴內辟穀絕粒深得胎息之旨順治十年間人問其

續唐原志略

雜志

九

姓名不荅又問其年紀荅曰到此山時聞說伽璘和
尚^紀皇帝撰探兒法再問卽閉目不作聲如熟睡狀
按元順帝至正十三年有西番僧伽璘教元主行房
中連氣之術撰探兒者言大喜樂也至顯治十年約
四百歲矣後不知所徃

參虎道人姓侯名常和字振山正定人居九峻觀明天
罡禹步之訣每日暮炊飯置木槽中擊鐵喚虎俱來
吃畢叱之卽去日爲常同鄉人浴唐河侯裂腹出腸
肚洗之衆驚懼欲走侯復將腸肚裝入腹按摩如故

順治十年邑令張修東岳廟敦請下山作持住後入京師至坐化之次日邑內洪琳見侯來謁相見甚歡囑琳云貧道去朝神和山小徒萬祈照拂飲茶而別廟中卽投訃亦尸解也

王士衡字文卿保定府之清苑人宦家子入葛山學道康熙五十八年

召入以道服見優禮甚封清虛真人隨歸山發帑在後暖谷冬半母閣

聖祖御書清虛真人匾并撰眉橫無念乾坤外鼻豎有形茹

續唐書

雜志

五

復中對聯懸閣前文卿自題息處曰留雲榻雍正十年才化

瑞岩禪師名文琳明永樂十七年遼東左都督劉江從外國攜來祝髮爲僧無出其右者師授多心經讀至五蘊皆空豁然大悟結茅於葛山之桃園日誦法華戒律甚嚴臨終書偈而逝塔於寶壤岡有塔銘

天白禪師名誠穎本縣山南村人姓神見瑞岩於桃園剪髮爲僧倏然頓悟上座說法成一大開堂地臨終說偈坐化菴北有化塔

瘋和尚不知何處人康熙二十年間自外方來單衣跣足行不履正路日常不食人與食則食多少俱盡不言飽止不留餘剩隆冬冰水洗面水漸熱如沸湯人或與語信口荅一半句卽閉目默然人與錢至野卽埋不肖者取之則無在葛山溷跡十餘年不見隔八九年又來其所衣如故并不殘損奔葛山深林樵者見其枕虎而卧後不知所終

卧佛巖土洞之南循河三里有卧佛巖世傳昔人過岩聞石內斧鑿聲不斷者數月有牧羊僮常憩岩前樹

下聞岩內大呼開開開如多人喧言僮懼而去數日又又憇息復聞如故僮遂大應曰你開罷岩遂崩墜震響如雷出大卧佛入滅像羅圍小佛無數形像如生絕無雕琢之痕時人於岩前建修殿宇名卧佛寺後因山水衝決火圮無跡佛像猶存予曾親見之

康熙四十四年乙酉四月蟪起而東北地延北羅大洋等村知縣林菁虔禱八蜡諸神有鳥千百北來搜食蟪類皆盡烏白頸山老瓜云事載八蜡祠碑

